



Broj: 01/05-31-1108/25
Sarajevo, 06.02.2025. godine

Na osnovu člana 2. stav (2) Odluke o izvršavanju Budžeta Grada Sarajeva za 2025. godinu ("Službene novine Kantona Sarajevo", broj: 2/25), a u vezi sa članom 42. stav 1. tač. g) i h) Statuta Grada Sarajeva („Službene novine Kantona Sarajevo“, broj 7/23) i strateškim prioritetom 6.2., te mjerom 6.2.1. Pomoć u radu javnih kuhinja (Strategija razvoja Grada Sarajeva 2021-2027.), gradonačelnik Grada Sarajeva raspisuje:

JAVNI POZIV
za sufinansiranje javnih kuhinja iz Budžeta Grada Sarajeva

1 Premet javnog poziva je prikupljanje zahtjeva za sufinansiranje rada javnih kuhinja, koje imaju korisnike na području Sarajeva.

2..Pravo učešća na Javnom pozivu imaju udruženja (u daljem tekstu: Učesnici) čija se djelatnost odnosi na rad javnih kuhinja za socijalno ugrožene kategorije stanovništva, na području Sarajeva, odnosno čije javne kuhinje funkcionišu u skladu sa pozitivnim propisima Kantona Sarajevo.

3. Sredstva za realizaciju Javnog poziva obezbijedena su u Budžetu Grada Sarajeva za 2025. godinu ("Službene novine Kantona Sarajevo", broj: 2/25) na poziciji 614300: Tekući transferi neprofitnim organizacijama: Grant javnim kuhinjama – javni poziv, u ukupnom iznosu od 100.000,00 KM.

4. Finansijska sredstva, koja se dodjeljuju ovim javnim pozivom iz Budžeta Grada Sarajeva za 2025. godinu, mogu se koristiti isključivo za sufinansiranje obezbjeđenja hrane i drugih potreba javne kuhinje u procesu proizvodnje hrane, a ne mogu se koristiti za pokrivanje troškova plata i ostala primanja zaposlenih, pokrivanje troškova ugovora o djelu, pokriće gubitaka, poreza i doprinosa.

5. Učesnici koji se prijavljuju na Javni poziv, dužni su da dostave potpunu dokumentaciju (original ili ovjerena fotokopija), kako slijedi:

- a) Zahtjev- prijava na javni poziv;
- b) Rješenje o upisu u registar kod nadležnog organa;
- c) Porezni identifikacioni broj (ID broj);
- d) Broj transakcijskog računa (ugovor sa bankom ili potvrda o otvorenom računu);
- e) Izjavu, ovjerenu kod nadležnog organa da su obezbijedeni svi tehnički uslovi, te neophodni materijalni i ljudski resursi za realizaciju efikasne funkcije i aktivnosti javne kuhinje, te da je dostavljen uredan finansijski izvještaj za prethodnu godinu, za sredstva koja su dodijeljena iz Budžeta Grada Sarajeva za 2024. godinu.

Glavni kriterij na osnovu kojeg će se određivati visina iznosa finansijskih sredstava koja će se pojedinačno, ugovorom dodijeliti uspješnim Učesnicima je broj korisnika javne kuhinje, a shodno podacima J.U. „Kantonalni cenatra za socijalni rad“ o broju korisnika toplog obroka u JKKS.



Način podnošenja prijava

Prijave na Javni poziv podnose se u roku od 15 dana od dana objavljivanja istog na službenoj web stranici Grada Sarajeva, lično na protokol ili putem pošte na adresu Grad Sarajevo, Gradska uprava, Gradska služba za lokalnu samoupravu, Ćemaluša broj 9, sa naznakom „Javni poziv za sufinansiranje javnih kuhinja iz Budžeta Grada Sarajeva“.

Neblagovremene i nepotpune prijave neće biti uzete u razmatranje.

Prijave sa cjelokupnom dokumentacijom, pristigle na Javni poziv, nadležna Služba za lokalnu samoupravu obrađuje i valorizira sa aspekta validnosti dostavljene dokumentacije i shodno glavnom kriteriju za određivanje visine finansijskih sredstava za dodjelu pojedinačno, formira svoj prijedlog i dostavlja ga gradonačelniku Grada Sarajeva, na davanje saglasnosti, nakon čega se pristupa sačinjavanju pojedinačnih ugovora o realizaciji sredstava iz Budžeta Grada Sarajeva za 2025.

Lista podržanih Učesnika biće objavljena na službenoj web stranici Grada Sarajeva www.sarajevo.ba. Sve dodatne informacije mogu se dobiti u Gradskoj službi za lokalnu samoupravu, putem kontakt telefona: 033/407 434, 033407 414, 033 407 965.

